

## **Ubutumwa Yezu Kristu yampaye bwo kugeza ku basenga bose. Ku itariki ya 8/3/2021 saa 3h45.**

**Yezu** : Nyiramukiza mwana wanje nkunda, ntega amatwi nkubwire ikinzanye kuko ndababaye cyane mwana wanje.

**Valentine** : Karame Papa, ndihano ndi igikoresho cyawe nguteze amatwi ngo umbwire ikikuzanye kandi kikubabaje nubwo binteye uwoboda cyane.

**Yezu** : Humura mwana wanje wihungabana.

Ikinzanye cya mbere: nkuko buri gihe kuriyi tariki ya munani z'ukwagatatu (le 08/03) nza buri mwaka mu gisibo kugusura kugirango nkubwire ibyerekeranye no gutangira gusiba. Iki gisibo rero uzagikora bisazwe nk'abandi bose; mbese ntabwo uzasiba nkuko wabikoraga umara iminsi cumi n'ibiru utarya, utanywa. Uzagikora uko wa gikoze umwaka ushize kuko ufite byinshi bikubabaza, bizakubabaza cyane muri kino gihe. Ibitotezo bitandukanye bizaturuka impande zose uzira ubutumwa ngutuma burimo ukuri, guhongerera mu buryo butandukanye ngo umfashe gukiza isi.

Uti gute? Ubutumwa twaguhaye Njyewe na Mama Bikira Mariya

Ubutumwa utarataga igihe kirageze kuko igihe cyo kumenya ukuri ni iki. Uzabizira, ubitoterezwe, nicyo nagutoreye ndakurinda ngo uzavuge ukuri.

Uhumure Turikumwe.

Nogufasha abandi gusenga kurushaho birakenewe cyane bisaba kwitanga no kwiyibagirwa.

Ni musenge cyane kuko ibihe biragenda birushaho kuba bibi. Abantu benshi barababaye cyane. Ni musenge mu shishikaye kuko abantu bafite byinshi ku mitima yabo: inzara, ubukene, ishyari, urwango no kwangana, gutotezanya, kubeshya no kubeshyera abandi, kwikuza, uwicanyi bukabije kandi bunyuranye.

Burya ntakintu kibabaza nko kwicisha umuntu ururimi uvuga amagambo umubeshyera akiriho, muri kumwe, umutoteza nta mpamvu. Nibyo byakubayeho, bikubaho, bakubeshyera, n'abandi n'abandi mwana wanje. Mwe musenga musabire Kiriziya gatorika n'abihayimana bose kugirango bayoborane urumuri rwa Roho Mutagatifu bave mu mwijima wubuyobe bafashe abakristu gusenga no gusobanukirwa n'ukuri nyakuri mu rukundo no mu butabera, barenganure abarengana, babavugira, babasura, babakomeza.

Musabire abihayimana batotezwa n'ababakuriye babategeka, na bagenzi babo babana nabo.

Musabire abakristu batotezwa na Kiriziya zabo bazirako basenga, bavugisha ukuri badashaka ko gusohoka. Abavuga Rozari nka we, n'abandi muyihuriyeho mwese bana banje, muyikomeze kuko ihumura imitima, ikabona ukuri kubabishaka. Ni nayo yirukana amashitani agasakuza impande zose mugatotezwa ngo mucike intenge muyihagarike. Uwo mutego muzawutegure, turikumwe, ntihagire ikibakanga.

Abihayimana nta mwanya bakigira wo gusenga. Na Rozari bayiheruka kera kuko barangariye mu by' isi no kugira uwoboda kuri bamwe nabamwe bakorera ijisho.

Musabire abategetsi b'ibihugu mu vukamo, mucumbitsemo ku girango bategekane urukundo n'ubutabera kubo bashizwe kuyobora.

Musabire ipfubyi zose aho ziva zikagera.

Musabire abapfakazi b'ingeri zose aho bava bakagera.

Komeza ufashe abandi cyane cyane ababyeyi bakuze ubarinde kwiheba no kuba bonyine mu mazu yabo. Ndabashimira isengesho ryanyu mu maze igithe muvuga buri munsi kuva kino cyorezo cyatangira. Ryafashije benshi na n'ubu. Hari abari batangiye kugwa mu ntegenkeya barabyuka, hari abagenderaga ku magambo y'ibinyoma babwirwa bakabyemera nabo isengesho ryarabakanguye rirabafasha bibonera ukuri ku gitit cyabo.

Hari benshi bari barwaye barikiriramo mu buryo bunyuranye ni ndwara zinyuranye. Mwirinde ubasenya, atabubaka, n'ubasenyera atabubakira, utaguha icyo kurya washonje, ntakuvuze warembye, ntagusure wafuzwe, ntagusure ngo aguhumurize wagize ibyago. Akumariyiki mubyo akubwira bindi? Rozari rero yakoze byinshi bikomeye mwe tuyivuga mutabonesha amaso yanyu kuko yagabanje ubukana bw'ibibi byari byugarije isi n'ibihugu byose.

Ni ibyo byaribinzanye mwana wanaye. Ngaho vuga aya masengesho nguhe umugisha:

Isengesho ryo gusabira abarwayi,

Isengesho ryo gusabira abatwanga,

Dawe uri mw'ijuru

Ndakuramutsa Mariya

Hubahwe Imana Data. Amina.

Guhaye umugisha mwana wanaye. Ku izina ry'Imana Data na Mwana na Roho Mutagatifu. Amina.

Wirirwe mwana wanaye.

**Valentine :** Urakoze cyane Papa.

Wiriwe.